



Soomana Ramadaana

Heera, sadarkaa fii, namusa isaa

صوم رمضان

أحكامه وفضائله وآدابه.
ترجمة أبو فاطمة- جمال محمد أحمد

**Hiikee Qophessaan
Shekh jamaal shekh Muhammad
(Abbaa faaximah)**

Baafata

Mata duree	fuula
1-Duree -----	4
2-Hiikkaa soomanaa-----	7
3-Maalummaa soomanaa -----	8
4-Soomanni Ramadaanaa yoom fardii godhame? -----	13
5 -Soomana dura bu'anii jalqabuun dhowwaadh.-----	13
6-Yeroo soomanaa -----	15
7-Niyyaa soomanaa bulfachuu -----	16
8-Mee Ramadaana maalin simanna?	18
9-Qajelfama nabii s.a.w.ramadaana keessa. -----	22

10-Waan nama soomanurraa	
barbaachisu. -----	25
11-Waan nama soomanaa ibaadarratti	
gargaaru-----	27
12-Guddina Sadarkaa (fadlii)	
Ramadaanaa -----	33
13-Sadarkaa soomanaa akka	
waliigalaatti -----	46
14-Faydaafii hikmaa soomanaa-----	57
15-Ulaagaalee dirqamuu soomanaa--	63
16-Uiagaalee soomanni itti fayyaa	
tahu.-----	69
16-Namusoota soomanaa-----	70
17-Waan soomana balleysu-----	78
18-Walaloo soomanaa-----	85

Duree

بسم الله الرحمن الرحيم

Jalqbnii maqaa Rabbi ahmata qabuutiini.

الحمد لله وحده، والصلاة والسلام على من لا نبي بعده،
نبينا محمد وعلى آله وصحبه أجمعين، أما بعد

Galanni Rabbii tokkicha taheef haa
galu, Nagayaaf rahmanni isaa nabiyyicha
boodaa kan tahe nabii keenya
muhammadiif haa bu'u, firaafii sahaabaa
isaanii hundaawu walhaagayu.

eeganaa,kun kitaaba xiqqaa waayee
soomanaa ibsu, itti laffaanee xaarree
akkagaaritti qopheysine. Akka waayee
baatii guddoo ramadaanaa tana itti
soomanan karaa laafaan namni keenya
hundi hubatuuf jecha. kitaabni kun
barnoota soomanaa guutuu uf keessaa
qaba. walaloon soomanaa bareedduun
takkas bodarran nijirti. biiroo teenya
biiroo daiwaa rabwaa tan riyaaditti
argamtu kitaaba kana maxxansitee
ummata keenyaan gayuudhaaf haalaan

isaan galatoomfanna.

فنسأل الله أن ينفعنا بهذا العمل وكل من شارك فيه،
والحمد لله رب العالمين.

Duuba hojii teenya tana tan buaa
qabduufii tan ummata fayyaddu Rabbi
nuuf haagodhu jenneeti kadhanna.
galanni Rabbiif haagalu.

**Obboleessa keysan-
shekh Jamaal shekh Muhammad
abbaa xaalib.**

Shekhjemal@yahoo.com

00966505697461

Riyadh sawdii arabiyyaa.

تعريف الصيام

Hiikkaa soomanaa.

الصيام لغة: الإمساك. قال الله تعالى: ﴿إِنِّي نَذَرْتُ
لِلرَّحْمَنِ صَوْمًا﴾ [مريم: ٢٦] أي: إمساكا وصمتاً.

Soomanni akkaa hiikkaa afaaniitti
ufqabuudha. Fakkenyaaf Rabbiin s.w.
akkana jedhe "*innii nazartu lirrahmaani
sowman* " hiikkaan "*ani ufqabuu
rahmaaniif qodhaa godhee jira*"
jechuudha.

وشرعا: التعبد لله تعالى بالإمساك عن المفطرات

يوماً كاملاً من طلوع الفجر الصادق إلى غروب
الشمس بشرط النية.

Hikkaan soomanaa akka shari'aatti:

*guyyaa guutuu fajriin bahurraa kaasee
hanga aduun seentutti waan sooma
fururraa*

*(nyaata, dhugaatii, walqunnamtii saalaa
godhuu) irraa uf qabuudha ibaadaa
Rabbii itti niyyatanii.*

في صوم شهر رمضان

Maalummaa Soomana Ramadaanaa.

صوم شهر رمضان ركن من أركان الإسلام،
وفرض من فروض الله، معلوم من الدين بالضرورة،
يدل عليه الكتاب والسنة والإجماع.

Soomanni baatii ramadaanaa, utubaa
tokko kan utubaalee islaamaa irraa
taheedha,
dhirqama islaamaa kan quraanaa,
hadiisaa fii ijmaa'aan mirkanaayee jiru.

فأما الكتاب: فقولہ تعالیٰ: ﴿يَا أَيُّهَا الَّذِينَ آمَنُوا كُتِبَ
عَلَيْكُمْ الصِّيَامُ كَمَا كُتِبَ عَلَى الَّذِينَ مِنْ قَبْلِكُمْ لَعَلَّكُمْ
تَتَّقُونَ﴾ [البقرة: ١٨٣]

Qur'aana irraa jecha Rabbii oltaheeti
*"isin yaa warri amantan soomanni
akkuma warra isin duraa irratti
barreyfametti isin irrattis barreyfamee
jira akka Rabbi sodaattaniif jecha."*

Suuraa baqaraa 183

إلى قوله: ﴿شَهْرُ رَمَضَانَ الَّذِي أُنزِلَ فِيهِ الْقُرْآنُ
هُدًى لِلنَّاسِ وَبَيِّنَاتٍ مِنَ الْهُدَى وَالْفُرْقَانِ فَمَنْ شَهِدَ مِنْكُمُ
الشَّهْرَ فَلْيَصُمْهُ﴾ [البقرة: ١٨٥]

Hanga jecha Rabbii oltaheetti *"baatii
Ramadaanaati kan isa keessa -
Qur'aanni qajeelchaa ilmaan namaa tii*

*fii ibsaa qajeelloofii haqarraa kan tahe
buufame. Namni baatii kana biyya jiru
haasoomanuu, isinirraa namni
dhukkubsataa yookaan karaa
deemsarraa jiru (soomana haa furuu)
guyyaalee biro irraa lakkaawwachuutu
(qadaa kafaluutu) isarratti jira..."*

Albaqaraa 185

وأما السنة: فقد قال النبي ﷺ: «بني الإسلام على
خمس...» وذكر منها: «صوم رمضان» [متفق عليه]
والأحاديث في ذلك كثيرة.

Hadiisarraayis jecha nabii keenyaati

s.a.w. *"islaamummaan waa shanirratti ijaaramte...jedheeti hadiisa oofee achi keessatti "soomana ramadaanaati"* jedhe, (bukhaariif muslimtu odeesse). Hadiisowwan waayee kanaarratti hedduutu jira.

-وأجمع المسلمون على وجوب صوم رمضان،
فمن أنكر وجوب صومه كفر.

Muslimtoonnis soomanni
Ramadaanaa dirqama tahurratti waliif
galan, namni waajibummaa isaa morme
kaafira tahurrattis wallif galan.

متى فرض صيام رمضان؟

Soomanni Ramadaanaa yoom fardii godhame?

فرض صيام شهر رمضان في السنة الثانية من
الهجرة، وصام رسول الله ﷺ تسع رمضانات.

Soomanni ramadaanaa waggaa
lammeysaa hijraati fardii godhame,
Nabiin s.a.w. ramadaana sagal soomane.
النهي عن تقدم رمضان بصوم يوم أو يومين.

Ramadaana dura bu'anii jalqabuun

dhowwadha guyyaa tokkoofi lamaan.

يحرم صيام آخر يوم أو يومين من شعبان، إلا أن
يوافق يوماً كان من عادته صيامه، كالاثنين والخميس
مثلاً، فيجوز صيامه

Guyyaa boodaa takkii lameen dhumaa
kan baatii shaibaanaa soomanuun
dhoowwaadha yoo nama dur aadaa
godhatee soomanu taate malee, akka
guyyaalee isniinaafii kamiisaa sun numa
soomana.

لقوله ﷺ: «لا يتقدم أحدكم رمضان بصوم يوم أو

يومين إلا أن يكون رجل كان يصوم صومه، فليصم
ذلك اليوم» [متفق عليه].

Nabiin s.a.w. akkana jedhan "*tokkoon
keessan ramadaana soomana guyyaa
tokkootiin yookaa lamaatiin dura
hinbu'inaa, yoo nama dur soomanu
taate malee sun haa soomanuu.*"
bukhaarii fii muslim.

وقت الصوم

Yeroo soomanaa.

وقت الصوم يبتدئ من طلوع الفجر الثاني،
وينتهي بغروب الشمس،

Somaanni yeroon isaa fajriin
lammeysaa (diiminni barii) bahurraa
kaasee hanga aduun seentutti.

وجوب تبييت النية

Niyyaa bulfachuun dirqama.

النية شرط في صحة صيام الفريضة، فيجب أن
يعزم الإنسان على الصوم بقلبه في أي جزء من أجزاء
الليل، ولو قبل الفجر بلحظة. وذلك لقول النبي ﷺ:
«من لم يبيّت الصيام من الليل، فلا صيام له» [رواه

Niyyaa godhuun sharxii soomanaa
irraayi yeroo halkanirraa taate keysatti
soomana fardii niyyachuu barbaachuisa,
osoo waa xiqqo fajrii dura taatellee.

Hadiisatti nabiin s.a.w. akkana jedhan
***"namni soomana halkeessa niyyaa
godhee hin bulfatin soomanni isaaf
hinjiru"*** nasaa'iiyitu odeessee.

Asirratti wanni himame soomana
sunnaa ammo eega bariellee niyyachuun
numa taha. Garuu osoo nyaataaf

dhugaatii hintuqin tahuu barbaachisa.
Gaaf tokko nabiin keenya s.a.w. ganama
warra isaaniitiin " mee joolle faxara
qabdani waa nutti kennaa?" Jennaan.
Gandi ar'a homaa lafaa hinqabnu
jedhaniin, nabiin eegasii maarree akkas
taatu ani ar'a ninsoomana jedhan.kuni
wanni garsiisu soomana sunnaa eega
barihellee niyyachuun akka tahu ibsa..

بم نستقبل رمضان؟

Mee Ramadaana maaliin simanna?

ينبغي أن نستقبل رمضان

١- بالمبادرة إلى التوبة الصادقة، وكثرة الاستغفار
والذكر وتلاوة القرآن.

Soomana Ramadaanaa wanni

simannuun kunoo kanneen kana.

1-Towbaa dhugaatti jarjaruun, istigfaara,
zikrii fii qaraatii qur'aanaa
heddumeessuun.

٢- بتعلم ما لا بد منه من فقه الصيام.

2-barnoota barbaachisaa wayee
somanaa barachuun.

٣- بعقد العزم الصادق على عمارة أوقات
رمضان بالأعمال الصالحة.

3-yeroo soomanaa caaltuu tana hojii
gaaritti akka fixu murteeffachuun.

٤- باستحضار سرعة انقضاء رمضان وحسرة
المفرط وسعادة المجد.

4-Yeroon Ramadaanaa qaaliin tun
daddafte akka dhumtuu fii namni
jajjabaatee dalage akka milkaayu, kan
talisoome akka sheenawu hubachuun.

٥- بالتخلص من المنكرات الموجودة في البيت.

5-Waan jibbamtuu mana keessa jirtu hunda ufirraa dhabamsiisuun.kana jechuun suuraalee wan lubbuu qabuu tan adda addaa, meeshaalee mooziqaa, kaartaa fi qumaara adda addaa, kasetoota sagalee mooziqaa, filima vidiyo baalagummaa, televijina baalagummaa fii jallina dabarsu, meeshaalee intarneetaa tan baalagummaa barsiistuu fi kanneen kana fakkaatan hundarraa mana isaa qulqulleessuu qaba.

٦- بشكر الله عز وجل على نعمته في إدراك هذا

6-Rabbiin s.w. galatoomfachuudhaan
waan ji'a guddaa kanaan nugayeef.

7-باصلاح ذات البين والعفو والصفح

-nama wallole manguddummaan
walitti araarsuudhaan, ka waliin oodu
walitti tolchuudhaan, Ramadaanni baatii
araaramaa waan taheef walitti
araaramanii waliif dhiifama godhanii,
walitti toluudhaaf carraa gaariidha.

هذي النبي ﷺ في رمضان

Qajeelfama nabii s.a.w. Ramadaana kessa.

قال الإمام ابن القيم: (وكان من هديه ﷺ في
رمضان الإكثار من أنواع العبادات،

Aaadaan nabiikeenyaa s.a.w.

ramadaana keessaa ibaadaa Rabbii gosa
adda addaa irraa guddisuudha.

فكان جبريل عليه السلام يدارسه القرآن في
رمضان، وكان إذا لقيه جبريل أجود بالخير من الريح
المرسلة،

Jibriil halkan Ramadaanaa hundaawu
nabitti dhufeti qura'ana wajji
qara'an,Nabiin yogguu jibriil itti dhufe
qilleensa bubbisurra keyritti daddafa.

وكان أجود الناس، وأجود ما يكون في رمضان،

Nabiin s.a.w. irra arjaa
namaati,yeroon haalaan arjoomu
ramadaana keessa.

ويكثر فيه من الصدقة والإحسان، وتلاوة القرآن،
والصلاة، والذكر، والاعتكاف، وكان يخص رمضان
بما لا يخص غيره به من الشهور) [زاد المعاد].

Nabiin keenya s.a.w. Ramadaana keessa sadaqaa heddummeessa, Rakkataa gargaarsa godha, qaraatii qur'aanaa baay'isa, Akkasuma salaata, zikrii (faaruu rabbi) Iitikaafa (teessuma masgiidaa) kan heddummeesu tahe.

ما ينبغي للصائم، وما يجب عليه

**Waan nama soomanaa irraa
barbaachisu.**

ينبغي للصائم أن يكثر من الطاعات، ويجتنب

جميع المحرمات، فيصلّي الصلوات الخمس في أوقاتها
مع الجماعة، ويترك الكذب والغيبة والغش،
والمعاملات الربوية، وكل قول أو فعل محرّم،

Namni soomanaa ibaadaa Rabbii
heddummeessuu barbaachisa, haraam
hundarraa fagaachuu qaba, salaata shanan
yeroo isiitti jamaa'aadhaan salaatuu qaba,
kijiba dhiisuu qaba, nama hamachuu,
nama gowwoomsuu, dhala (Ribaa)
nyaachuu, fii jechootaa fii hojiilee
dhoowwa tahe hundarraa fagaachuu
barbaachisa.

قال النبي ﷺ: «من لم يدع قول الزور، والعمل به،
والجهل، فليس لله حاجة في أن يدع طعامه وشرابه»
[رواه البخاري]

Nabiin keenya s.a.w. akki jedhe
*"Namni jecha cubbuu haasawuufii itti
hojjachuu hidhiisin, kan
Wallaalummaa (badii) hindhiisin
rabbiin nyaataafii dhugaatii dhiisuu
isaarraa dantaa hinqabu"* bukhaariitu
odeesse.

مما يعين الصائم على الطاعات

Waan nama soomanu ibaadarratti

gargaaru.

١- تقوى الله تعالى ومخافته.

1-Sodaa Rabbii Qabaachuu fi hamtuu
hundarraa uf eeguu.

٢-الإكثار من الذكر والدعاء وتلاوة القرآن.

2-Qaraatii qur'aanaa
Heddummeessuu, Zikrii fii kadhaa
Rabbii heddumeysuu,

٣-تجنب أصدقاء السوء.

3-Saahibban fofokkataa irraa
fagachuu. Namni saahiba fakkata jallaa

qabu wahuma hamtuu isarraa barata.
Mammaksatti raaddi harreen wajji oolte
dhuufuu barti" jedhan.eegaa nama gaarii
qajeelaa Rabbi sodaatu saahiba (shariika)
godhadhaa.

٤- ملازمة المساجد والمحافظة على صلاة
الجماعة.

4-Masgiidatti maxxanuu fii salaata
jamaa'aa irratti uf tiisuu.hanga
dandeessetti yeroo hedduu masjiidatti
argamuu yaalii godhi. Masjiida teessee
sunnaa salaattee, zikrii gootee, Rabbi

kadhattee, qur'aana qaraatee, yoo jette
Sawaaba hedduu walitti tuulatte, badii
dhagayuufii arguu jalaayis nagaya baate
(tiyfamte). Tanaaf gara masjiida gara
masjiida.

٥- تجنب مشاهدة ما يثير الشهوات، ويقسي
القلوب.

5-Waan fedhii lubbuu namatti
kakaasuu fii waan qalbii nama goggoysu
laaluu irraa fagaachuu.kunis hedduudha
fakkeenyaaf:-filmii fii suuraa
baalagummaa fokkataa daw'achuu,

kanneen televijiina, vidiyoo, intarneeta,
yutub, fesbuuk, waatis aab, tuweytir,
iskaybe, baaltook, fi kkf irraatti badii gadi
dhiifamtee facaafamtu daaw'achuun
haalaan dhoowwaadha.

٦- عدم السهو.

6-Dogogoraa fi badii irraa fagaachuu.

٧- حفظ اللسان من الغيبة والنميمة والكذب

والسخرية.

7- Nama hamachurraa uf eeguu,

farada (lukkee) tahirraa, kijibarraa, nama

xiqqeysu fii k.k.f. irraa Arraba ufii
tiysuu .

٨- معرفة قيمة الزمن.

8-yeroon qaalii tahuu isii beekanii itti
fayyadamuu.

٩- استشعار عظمة الشهر وفضائله.

9-guddina kabajaa baatii tanaa
beekanii eeggachuu.

١٠- مطالعة سير السلف وأهل الاجتهاد والتشمير.

10-ummata gaggaarii dur kan ibaadaa
irratti jajjaboo turan seenaa isaanii

barachuu fii jala deemuu.

١١-محاسبة النفس.

11-Lubbuu ufii qorachuu.

١٢-تجديد التوبة.

12-Towbaa irra deddeebi'anii
haarawoomsuu.

من فضائل رمضان

Guddina sadarkaa ramadaanaa.

لشهر رمضان فضائل وخصائص كثيرة منها:

Baatiin ramadaanaa sadarkaa

gurguddoo hedduu qabdi. Sankeessaa;-

١- إنه الشهر الذي نزل فيه القرآن، وهذا من أعظم فضائل رمضان.

1-inni ji'a qur'aanni isakeessatti

buufame tahuu, kun waan jiini kun ittii

sadarkaa guddaa argate keessaa kan

hangafaati.

٢- فيه تفتح أبواب الجنة. ٣- وتغلق أبواب النار. ٤-

وتصعد الشياطين أي: تقيد وتسلسل،

2-Isa keessa hulaan jannataa ni

banamti.

3-hulaan ibidda jahannam nicufamti.

4-Isa keeyisa sheyxaanni nihidhamti,

ويدل على ذلك حديث أبي هريرة رضي الله عنه:
«إذا جاء رمضان فتحت أبواب الجنة، وغلقت أبواب النار، وصدت الشياطين» [متفق عليه].

kanarratti Abii hureyraan r.a. nabiin
s.a.w. akkana jedhan *jedhe "yeroo
ramadaanni dhufe hulaaleen jannataa
nibabbanamti,hulaaleen ibidda
jahannam nicuccufamti,sheyxaanonni*

nihidhamti." Bukaarii fii muslimtu odeesse.

٥-فيه ليلة القدر، وهي خير من ألف شهر كما قال تعالى: ﴿إِنَّا أَنْزَلْنَاهُ فِي لَيْلَةِ الْقَدْرِ * وَمَا أَدْرَاكَ مَا لَيْلَةُ الْقَدْرِ * لَيْلَةُ الْقَدْرِ خَيْرٌ مِنْ أَلْفِ شَهْرٍ * تَنْزَلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِنْ كُلِّ أَمْرٍ * سَلَامٌ هِيَ حَتَّىٰ مَطْلَعِ الْفَجْرِ﴾ [سورة القدر].

5-Isa keessa halhan murtii tu jira. Isiin ji'a kuma tokkorra caalti, Rabbiin s.w. akkana jedhe, "***nuti isa buufne halkan murtii keysatti. maaltu sibeeyise halkan murtii maal akka taate?,halkan murtii***

*baatii kumatokkorra
caalti,malaaykaalee fii ruuhis isii
keessatti hayyama rabbi isaaniitiin gadi
bu'an,isiin nagaya hanga fajriin bahutti
(bari'utti).'' Suuraa qadrii.*

٦-وقال ﷺ: «أتاكم شهر رمضان، شهر مبارك،

فرض الله عليكم صيامه، تفتح فيه أبواب السماء،
وتغلق أبواب الجحيم، وتغل فيه مردة الشياطين، لله فيه
ليلة خير من ألف شهر، من حرم خيرها فقد حرم»
رواه النسائي

6-Nabiin keenya s.a.w. akkana jedhan
''isiniif dhufe jüni ramadaanaa, ji'a

*barakaa heddummaatu, kansoomana
isaa Rabbiin dirqama isinirratti godhe,
isa keessa hulaan samii banamti, hulaan
jahiim (ibidda azaabaa) nicufamti, isa
keessatti shiftootiin sheyxaanaa
nisakaallamti, isa keessatti halkan baatii
kuma caalu tokko Rbbiif taheeti jira,
namni toltuu isii hongayee dhugumaan
kasaare."* Nasaaiyyiitu odeesse.

٧- حصول المغفرة لمن صامه إيماناً واحتساباً.

٨- حصول المغفرة لمن قامه إيماناً واحتساباً.

٩- حصول المغفرة لمن قام ليلة القدر إيماناً

واحتساباً.

7-nami iimaanaa fii abdi Rabbiitiin
soomane araarama argata.

8-namni iimaanaa fii abdi Rabbiitiin
dhaabbate (salaate) araarama argata.

9-Namni iimaanaa fii abdi rabbiitiin
leylatulqadri dhaabbate (salaate)
araarama argata.

ويدل لما سبق حديث أبي هريرة رضي الله عنه

عن النبي ﷺ قال: «من قام ليلة القدر إيماناً واحتساباً

غفر له ما تقدم من ذنبه، ومن صام رمضان إيماناً
واحْتساباً غفر له ما تقدم من ذنبه» [متفق عليه]. وقال
ﷺ: «من قام رمضان إيماناً واحْتساباً غفر له ما تقدم
من ذنبه» [متفق عليه].

Abii hureyraan nabiirraa odeessee
akkana jedhan jedhe "*namni*
leylatalqadri imaanaa fii abdiin
dhaabbate badiin isaa ta dabarte hundi
araarama isaaf godhamti, namni
iimaanaa fii abdiin ramadaana
soomane baiin isaa ta dabarte hundi

araarama isaaf godhamti,

'namni Ramadaana imaanaa fii

abdiin dhaabbate badiin isaa ta dabarte

hundi araarama isaaf godhamti,

-و عن أبي هريرة رضي الله عنه عن النبي ﷺ

قال: «الصلوات الخمس، والجمعة إلى الجمعة،

ورمضان إلى رمضان، مكفرات لما بينهن إذا اجتنبت

الكبائر» [متفق عليه].

Abii hureyraan nabirraa odeessee

akkana jedhan jedhe 'salaanni shaman

tuun hanga taaniitti, jum'aan hanga

*jum'aatti, Ramadaanni hanga
Ramadaanaatti hayxuudha
(Balleessarraa araarama namaaf taati)"*

١٠- العمره فيه تعدل حجة مع النبي ﷺ لقوله ﷺ:
«عمره في رمضان تعدل حجة – أو قال – حجة
معي» [أخرجه مسلم].

10-umraan isa kessaa hajji nabiin
wajji godhatetti qixxoyti. Nabiin s.a.w.
akkana jedhan"*umraan Ramadaana
keessatti taate hajjii naan wajji taatetti
qixxaatti*" muslimtu odeesse

١١- كثرة العتقاء من النار في رمضان: لحديث

أبي أمامة، عن النبي ﷺ: «الله عند كل فطر عتقاء»
[رواه أحمد،

وحديث: «إذا كان أول ليلة من شهر رمضان،

صفت الشياطين، ومردة الجن،... وينادي مناد: يا

باغي الخير، أقبل، ويا باغي الشر، أقصر، والله عتقاء

من النار، وذلك في كل ليلة» [رواه الترمذي، وحسنه

الألباني].

11-Ibidda jahannamirraa namni

bilisoomfamu ramadaana keessa

heddudha. Abii umaamaan nabirraa

odeessee Akkana jedhan jedhe " yeroo

*soomana furan hunda warra Rabbiin
ibidarraa bilisoomsuutu jiraa''* ahmad tu
odessee.

Hadiisa biroottii-''*yogguu halkan
duraa ramadaanarraa tahe seene
sheyxaanotii fii shiftootiin jinni
nihidhamti,lallabaan nilallaba yaa
katoltuu barbaadu asdeebi'ii itti
jabaadhu, yaa ka hamtuu barbaadu
ufqabi, Rabbiin warren ibiddarraa
bilisoomsu qaba, sun halkan hunda
keessatti.*'' Tirmiiziyyiitu odeesse.

١٢- لكل مسلم في كل يوم من رمضان دعوة

مستجابة لقوله ﷺ «إن لله تبارك وتعالى عتقاء في كل يوم وليلة – يعني في رمضان – وإن لكل مسلم في كل يوم وليلة دعوة مستجابة» [رواه البزار، وقال الألباني: صحيح لغيره].

12-muslima hundaaf kadhaa

qeebalamtuu jira guyyaa Ramadaanaa

hunda. Nabiin s.a.w. akkana jedhan

"Halkaniif guyyaa ramadaanaa keessa

rabbiin warra ibidda azaabaarraa

bilisoomsu qaba. ammas muslima

hundaaf kadhaa qeebalamtuu taateetu

*jira halkaniif guyyaa ramadaanaa
keessatti.*" Bazaaratu odeesse.

١٣- إنه غنيمة للمؤمن: فقد قال النبي ﷺ: «ما أتى

على المسلمين شهر خير لهم من رمضان، ولا أتى
على المنافقين شهر شر لهم من رمضان، وذلك لما يعد
المؤمنون فيه من القوة للعبادة، وما يعد فيه المنافقون
من غفلات الناس وعوراتهم، وهو غنم للمؤمن، ونقمة
للفاجر» [رواه أحمد، وصححه أحمد شاكر].

13-inni boojuu (Badhaasa)

mu'iminaati nabiin s.a.w. akki jedhan

'jiini ramadaanarra isaaniif caalu

mu'imintootatti takkaa waa hindhufne,

*jiinii ramadaanarra hamaa
munaafiqootatti waa hindhufne, kun
akki itti tahuu dandaye mu'iminni
ibaadatti jabaataa munaafiqni
ibaadarraa laafa, tanaaf milkii
mu'imintootaa hoongoo
munaafiqootaati''ahmad odeesse.*

في فضائل الصيام مطلقاً

**Sadarkaa soomana akka
waliigalaatti**

١- أجر الصيام بغير حساب. ٢- الصيام وقاية من مساوئ الأخلاق. ٣- يفرح الصائم بصيامه عند فطره، وعند لقاء ربه. ٤- خلوف فم الصائم أطيب من ريح المسك

1-galanni soomanaa lakkoofsaan
malettii heddummaatee galfama.

2-soomanni haalaa amala hamaa
hundarraa nama tiiksa.

3-Namni soomanaa yeroo soomana
isaa furuu fii guyyaa fuula Rabbii isaa
dhaqus soomana isaatiin nigammada.

4-Fooleen afaan nama soomanaa

Rabbi biratti hafuura miskiirra urgooyti.

، ويدل لما سبق حديث أبي هريرة رضي الله عنه
عن النبي ﷺ قال: «قال الله عز وجل: كل عمل ابن آدم
له إلا الصوم فإنه لي، وأنا أجزي به، والصيام جنة،
فإذا كان يوم صوم أحدكم، فلا يرفث، ولا يصبخ، فإن
سابه أحد أو قاتله، فليقل: إني صائم، والذي نفس محمد
بيده، لخلوف فم الصائم أطيب عند الله من ريح المسك.
للصائم فرحتان يفرحهما: إذا أفطر فرح بفطره، وإذا
لقي ربه فرح بصومه» [متفق عليه].

Rgaan waan dabarsine kanaa, Abii
hureeyraan Nabiin keenya s.a.w. akkana
jedhan jedhe "*Rabbiin oltahee*
qulqullaayee akkana jedhe-hundi
dalagaa ilmaan aadam isumaafi
soomana malee inni naafi, anumaatu
galata galcha isarratti, soomanni
wantaadha, yeroo guyyaan soomana
tokkoo keessanii tahe akka
hinbaalaganne, akka hinwacne, yoo
namni tokko isa arrabse yookaan isaan
lole ani soomanaadha haajedhuunii,

Isaa (Rabbii) lubbuun Muhammad harka isaa keessa jirtuun kakadhee ciinca afaan nama soomanuuttu Rabbi biratti hafuura miskiirra urgaawa, nama soomaneef gamachuu lama tan inni isii gammaduutu isaaf jira, yogguu fure furuu isaatiif gammada, yogguu fuula Rabbii isaa dhage soomana isaatiin gammada." Bukarii fii muslimtu odeesse.

- أجر الصيام بغير حساب-- لقوله صلى الله عليه وسلم «كل عمل ابن آدم يضاعف؛ الحسنة بعشر

أمثالها، إلى سبعمائة ضعف، قال الله تعالى: إلا الصوم فإنه لي، وأنا أجزي به، يدع شهوته وطعامه من أجلي «. رواه مسلم

-galanni nama soomanuu -

lakkooysaan malletti hedduu tahee
galfamaaf. Nabiin s.a.w.akkana jedhan
*"Dalagaan ilmaan aadam hundinuu
dacha godhamtiif. Toltuun takkaa
faakkaattuu isii kudhanirraa hanga
dhibba torbaatti (heddummeyfantiif).
Rabbiin s.w. akkana jedha "soomana
malee inni naafi anumaatu isarratti*

*galata galcha, anumaa jecha fedhii
isaatii fii nyaata isaa dhiisee soomane
waan taheef jecha'' muslimtu odeesse.*

٥- للصائمين باب في الجنة لا يدخل منه غيره:
لقوله ﷺ: «إن في الجنة بابا يقال له: الريان، يدخل منه
الصائمون يوم القيامة، لا يدخل منه أحد غيرهم، فإذا
دخلوا أغلق، فلم يدخل منه أحد» [متفق عليه].

5-Namoota soomanuuf hulaa

jannatarraa taateetu jira, tan isaan malee
namni biroo hinseenne. Nabiin s.a.w.

*''Jannata keessa hula takka tan rayyaan
jedhamtuutu jira, guyyaa qiyaamaa*

*warra soomanaatu seena, isaan malee
nam tokkolleenuu hinseenu, yogguu
isaan seenan nicufamti, tokkolleenuu
hinseenu."* Bukharii fi muslim.

٦- الصيام يشفع لصاحبه مع القرآن يوم القيامة:

لقول النبي ﷺ: «الصيام والقرآن يشفعان للعبد يوم
القيامة، يقول الصيام: أي رب، منعتك الطعام والشهوة،
فشفعني فيه، ويقول القرآن: أي رب، منعتك النوم
بالليل، فشفعني فيه. قال: فيشفعان» [رواه أحمد،
وصححه الألباني].

6-Soomanaa fii qur'aannii guyyaa
qiyaamaa ni araarsan saahiba isaaniitiif.

Nabiin s.a.w. akkana jedhan "*Soomanaa fii qur'aanni guyyaa qiyaamaa saahiba isaaniitiif ni magantaawan. Soomanni akki jedhu yaa Rabbi nama kana naatu nyaataafii fedhii lubbuu isaa bahachuu isa dhoowwee na maganteessi isa keessatti. Qur'aannis akki jedhu : yaa Rabbi nama kana naatu halkan keessa hirriiba isa dhoowwe waan taheef namaganteessi isa keessatti, isaan lachuu nimaganteeffaman jedhe.*"
Ahmaddu odeesse.

٧-والصيام وقاية من النار: لقول النبي ﷺ:
«الصيام جنة، وحصن حصين من النار» [رواه أحمد
بسند حسن، كما قال المنذري].

7-Soomanni ibidda namarraa ittisa.

Nabiin s.a.w. akkana jedha "*soomanni
wantaadha (gaachana), jogola
jajjabeeffamaadha ibidarraa (nama
ittisa)*" Ahmad odeesse.

٨-والصيام باب عظيم من أبواب الخير: لقوله ﷺ
لمعاذ رضي الله عنه: «ألا أدلك على أبواب الخير»
قال: بلى يا رسول الله. قال: «الصوم جنة، والصدقة
تطفئ الخطيئة، كما يطفئ الماء النار» [رواه

الترمذي].

8-Soomanni hula toltuu guddoodha.

Nabiin s.a.w. mu'aaziin akkana jedhe

"mee hulaalee toltuutti siqajeelchuu?"

eeyyeen naqajeelchaa yaa ergamaa

Rabbii jennaan *"Soomanni wantaadha,*

sadaqaan akka bishaan ibidda

dhaamsutti dilii dhaamsiti" jedheen.

Tirmiziitu odesse.

٩-والصوم لا مثل له في العبادات: فقد قال النبي

ﷺ لأبي أمامة: «عليك بالصوم؛ فإنه لا مثل له» [رواه

ابن حبان، وصححه الألباني].

9-Soomanni hiriya hinqabu

ibaadaa keessaa.Nabiin s.a.w. abbaa
umaamaatiin akkana jedhe "*soomanatti
jabaadhu inni fakkaataa hinqabu*"
jedheen.ibnu hibbaantu baase.

١٠-وكلما أكثر المرء من الصيام كلما باعد الله
بينه وبين النار.. لقوله ﷺ: «ما من عبد يصوم يوماً في
سبيل الله إلا باعد الله بذلك اليوم وجهه عن النار سبعين
خريفاً»[متفق عليه].

10-Hanguma namni soomana

heddummeesse Rabbiin ibidda
azaabaarraa isa fageessa.nabiin s.a.w.

akki jedhe "*kama tahee haa tahu
gabrichi Rabbii gabrichummaan rabbi
tokko karaa Rabbii keessatti guyyaa
tokko soomanee- sababaa guyyaa
saniitiin fuula isaa ibiddarraa ganna
torbaatam fageessu malee Rabbiin
kadhiisu waa hintaane.*" Bukhaariif
muslimtu baase.

من حكم وفوائد الصيام

Faaydaa fi hikmaa soomanaa.

١-ترك المحبوبات طاعة لله عز وجل، لينال بذلك رضا ربه، والفوز بدار كرامته.

1-Jaalala Rabbii barbaachaaf waan
lubbuun feetu dhiisuu.akka kanaan galata
isaa argatanii, jannata isaa badhaafaman.

٢-ممارسة ضبط النفس والسيطرة عليها، وتعويد
الإنسان الصبر والتحمل والجلد.

2-Lubbuu ufii qabuu fii toohachuu
nama barsiisa, murannoo, ciminaa fi
obsarratti nama leenjisa.

٣-سبب للتقوى كما في آية البقرة السابقة.

3-Sodaa Rabbiiti nama barsiisa
akkuma aayata suuraa baqaraa tan
dabarsine sanirraa hubatamutti.

٤- سبب لحسن الخلق لقوله ﷺ: «وإذا كان يوم
صوم أحدكم، فلا يفسق، ولا يرفث، فإن سابه أحد أو
قاتله، فليقل: إني صائم» [متفق عليه].

4-Haalaaf amala nama tolcha.

Nabiin s.a.w. akkana jedhe. "*yeroo
guyyaan soomana tokkoo keessani tahe
akka jecha jallinaa, kan baalagummaa
hin haasoyne, namni tokko yoo isa
arrabsee yookaan isaan lole haajedhuu*

anisoomanaadha" bukhaarii fi muslimtu
baase.

٥- معرفة الإنسان قدر نعمة الله عليه في ماله
وطعامه وشرابه وزوجته.

5-Nama barsiisa guddina qananii
Rabbiin namaaf kennee nyaata, dhugaatii
fi jaartii isaa keysatti.

٦- تفرغ الإنسان للطاعات والعبادات والذكر.

6-Akka namni yeroo bal'oo argatee
ibaadaa fi zikrii Rabbii heddummeessu
namaaf mijjeessa.

٧- ترفيق القلوب وتهيئتها لأسباب سعادتها

وفلاحها.

7- Qalbii laaffisee akka milkiif

qophooytu godha.

٨- تخفيف حدة الشهوة.

8-Qara (oowwa) fedhii lubbuuti

namarraa laaffisa.

٩- تطهير الأمعاء وإصلاح المعدة وتنقية البدن من

الفضلات والسموم.

9-Qochumaa garaa namaati

qulqulleessa,qaama nama bareecha.

١٠- تعويد المسلم النظام ودقة المواعيد.

10-Muslima sagantaan jiraachuufi
yeroo karoorfatanii kabajuu barsiisa.

١١- مظهر عظيم من مظاهر وحدة المسلمين
والتزام الأمة بثوابت دينها.

11-Mul'isa guddaa gamtoominaafii
tokkummaa ummata muslimaa
mul'isuudha,hundee diin isaanii
jabeysanii qabachuu isaanii kan ibsu.

١٢- مشاركة الأغنياء الفقراء جوعهم وعطشهم
وفي هذا حث لهم على بذل المعروف والإنفاق.

12-Dureessaa fii hiyyeessi

waliinwajji akka beelawanii dheebotan
godha, kun ammo akka waliif rifatanii
walgargaaranii tola walitti oolan godha.

شروط وجوب الصوم.

**Ulaagaalee soomanni itti dirqama
tahu.**

١- يجب الصيام على كل مسلم عاقل بالغ قادر على
الصوم، مقيم غير مسافر، خال من الموانع.

1-soomanni dirqama taha hunda nama

muslimaa,qalbiin fayyaa,kanufbaree,kan
soomana danda'uu,taa'aa biyyaa kan
karaa deemaa hintahin, waan soomana
dhoowurraa qulqulluu kantahe
hundarratti dirqama.

٢-الكافر لا يصوم، ولا يقبل منه الصيام.

2-kaafirri soomanuun isaaf hintahu,
soomanus irraa hinqeebalamu,

٣-الصغير الذي لم يبلغ لا يجب عليه الصوم.لاكن
ينبغي أن يؤمر الصبيان للتمرين على العبادة.

3-joollee xiqqoo soomanni irratti

dirqamaa miti, garuu yoo soomanan
nitahaaf, inumaa leenjiif jecha
soomansiisuun barbaachisaadha.

٤-المجنون لا يجب عليه الصوم، ولا الإطعام
عنه.

**4-maraataan waan soomanuuf
hinqabu**, irraayis hinqeebalamu.

٥-العاجز عن الصوم لسبب دائم يفطر، ويطعم
عن كل يوم مسكيناً.

**5-Dadhabaan akka dhukkuba irraa
hinfayyineen qabamee faa, nifura,**

guyyarraa beelawaa tokko nyaachisa.

٦-المريض مرضاً طارئاً ينتظر برؤه، يفطر إن شق عليه الصوم، ويقضي بعد برئه.

6-Dhukkubsataan fayyuun isaa kajeelamu yoo dadhabe nifura, eega fayyee ammo qadaa kafala.

٧-الحامل والمرضع إذا شق عليهما الصوم من أجل الحمل أو الإرضاع، أو خافتا على ولديهما تفطران، وتقضيان الصوم.

7-Dubartiin ilmoo hoosftuufi tan garaa qabdu yoo soomanni itti ulfaate

yookaa ilmoo isiirratti miidhaa fidaa
sodaatte nifurti, booda garuu qadaa
kafalti.

٨- المضطر للفطر لإنقاذ معصوم من غرق أو
حريق يفطر لينقذه ويقضي.

8-Namni nama halaakamuu deemu
-kan bishaan nyaatee fi kan ibiddi gube-
dhaqqabee baasuuf deemu yoo furuun isa
barbaachise nifura, booda qadaa kafala.

٩- المسافر إن شاء صام، وإن شاء أفطر، وقضى
ما أفطره.

9-Namni karaa deemu yoo fedhe nisoomana yoo fedhe nifura, booda qadaa kafala.

١٠- الحائض والنفساء تفطران وتقضيان، ولا يجوز صيامهما.

10-Dubartii dhiiyni baatii fi dhiiyni ulmaa itti jiru nifurti, soomanuun isiif hintahu, booda nikafalti.

أما شروط صحة الصوم

Ammoo ulaagaaleen soomanni itti

fayyaa tahuu.

شروط صحة الصوم هي: الإسلام، والعقل،
والتمييز، وانقطاع دم الحيض والنفاس، والنية.

Ulagaaleen soomanni itti fayyaa tahu
kanneeni:-Namni soomanu islaama
tahuu, qalbiin fayyaa qabaachuu,
joollummarraa bahee waa addaan
baafachuu, dhiiga baatiitii fi kan ulmaa
irraa qulqullaawuu, soomana niyyaa
godhuu dha.

آداب ومسنونات الصيام

Seera barbaachisaa soomanaa.

١-المبادرة بالفطر عند تحقق الغروب: لقوله ﷺ:
«لا يزال الناس بخير ما عجلوا الفطر» [متفق عليه].s.

Soomana furiinsa jarjarsuu,yogguu
aduun seenuu mirkaneyfatan.Nabiin
s.a.w. akkana jedhan "namni toltumarra
jira waan soomana furaa
jarjarseen"bukhaarii fi muslim.

٢-الفطر على رطب أو تمر أو ماء، فقد كان ﷺ
يفطر قبل أن يصلي على رطبات، فإن لم تكن رطبات

فتميرات، فإن لم تكن تميرات، حسا حسوات من ماء
رواه الترمذي، وصحه الألباني .

2-Asheeta timiraa (Ruxaba) irratti

furuu yoo dhabame timira irratti, yoo
hinjiraatin bishaanitti. *Nabiin s.a.w. osoo
magriiba hinsalaanne dura asheeta
timiraatti soomsns fura. yoo hinjiraatin
timiratti yoo hinjiraatin bishaan
hammaarrata.*" Tirmiziitu odesse.

٣- الدعاء عند الإفطار: لقوله ﷺ: «إن للصائم عند
فطره دعوة ما ترد» [ابن ماجة].

3-Yeroo furan Rabbi

kadhachuu.Hadiisatti "*Nama soomanaatiif yeroo soomana furu kadhaa hindeeffamneetu jira*"ibnumaajah odeesse.

٤-تأخير السحور والحرص عليه: لقوله ﷺ:
«تسحروا؛ فإن في السحور بركة»

4-Hiraabbachuu booda

aansuudhaan wajji. Hadiisatti "*hiraabbadhaa nyaanni hiraabaa barakaa qabaa*".

٥-كف اللسان والجوارح عن المحارم، لقوله ﷺ:
«الصيام جنة، فإذا كان يوم صوم أحدكم، فلا يرفث،
ولا يجهل، فإن سابه أحد أو قاتله، فليقل: إني صائم»
[متفق عليه].

**5-Qaamaafii arraba Badirraa uf
qabuudha.** Nabiin s.a.w. akkana
jedhe."Soomanni wantaadha, yogguu
guyyaan soomana tokkoo keessanii tahe
akka hin baalaganne, akka
hindogoggorre, yoo namni tokko isa
arrabse yookaan isaan lole ani
soomanaadha haajedhuuni (Akka

arraba arrabaan deebisaa hin goone)".bukhaariifi muslimtu odeesse.

وقوله ﷺ: «من لم يدع قول الزور والعمل به والجهل، فليس لله حاجة في أن يدع طعامه وشرابه»
[رواه البخاري].

Hadiisatti " *Namni jecha dharaa haasawuu hin diisin,itti dalaguufi dagoggora wallaalummaa kan hin dhiisin Rabbiin dantaa hinqabu nyaataaf dhugaatii dhiisuu isaarraa.*"
Bukhaaritu odeesse.

٦-تفطير الصائمين: لقوله ﷺ: «من فطر صائماً
فله مثل أجرهن غير أنه لا ينقص من أجر الصائم
شيء» [الترمذي، وصححه].

6-Nama soomanu fursiisuu. Nabiin
s.a.w. akkana jedhe "*namni nama
soomanaa fursiise isaafillee fakkaatama
sawaaba isaaniittu isaaf taha.*
*Akkasumaan wajji sawaaba namticha
soomaneerraa homaa hin
ir'ifaman.*"tirmiziitu odeesse.

٧-الجود وكثرة الصدقة، فقد كان النبي ﷺ في
رمضان أجود بالخير من الريح المرسلة [متفق عليه].

وزاد أحمد: كان لا يسأل عن شيء إلا أعطاه.

7-Arjoomuu fi sadaqaa

heddummeysuu. Nabiin s.a.w.

ramadaana keessaa qilleensa akkaan

bubbifturra kheyritti (arjummatti)

daddafa. Bukhariif muslimtu odeesse.

Imaamu ahmad ni ida'e nabiin waan

takkallee kadhatamee kennu malee hin

hafu, jedhe.

٨-كثرة تلاوة القرآن ومدارسته: لفعل النبي ﷺ

ذلك في رمضان.

8-Qaraatii qur'aanaa

heddummeessuu. Nabiin keenya qaraatii qur'aanaa soomana keessaa haalaan heddumeessa ture.

٩-قيام الليل: لقوله ﷺ: «من قام رمضان إيماناً واحتساباً، غفر له ما تقدم من ذنبه» [متفق عليه].

9-Salaata halkanii

salaatuu. Hadisatti "*Namni Ramadaana dhaabbate (salaate) dhugaoomsaa abdachaa badiin isaa tadabarte araarama godhamtiif*" bukhaarii fi muslim.

مفسدات الصيام

Wantoota soomana balleysu.

أولاً: الجماع في نهار رمضان:

- يبطل الصيام، ويستمر صائماً بقية يومه.

- عليه قضاء اليوم الذي جامع فيه.

- عليه كفارة مغلظة؛ وهي عتق رقبة، فإن لم يجد

فصيام شهرين متتابعين، فإن لم يستطع، فإطعام ستين

مسكيناً، لكل مسكين نصف صاع من بر أو غيره من

طعام أهل البلد.

-عليه الندم والتوبة والاستغفار

1- Qunnamtii

saalaa godhuu guyyaa soomanaa, kun
soomana balleessaa,garuu guyyaa isaa
kanhafee soomana itti fufuu
qabaa,guyyaa kana qadaa kafaluu
qaba,adaba kaffaaraa guddotu isarraa
barbaachisaa,-isiinis gabra tokko
bilisoomsuudha,yoo hinargatin ji'a lama
walitti dhaabee soomanuudha,yoo
hindandayin miskiina jahaatama.

ثانياً: الأكل والشرب متعمداً:

-يفسد الصوم ويستمر بقية يومه صائماً.

-عليه قضاء ذلك اليوم الذي أفطر فيه.

-عليه الندم والتوبة والاستغفار

2-Nyaachuu fii dhuguu beekaadhaa
kan irraanfiin hintahin, soomanni isaa
nibada, guyyaa san hanga hafe
soomanaan turuun dirqamaa, qadaa
guyyaa fure sanii kafaluu qaba, gaabbuu,
sheenawuufii towbachuu isa barbaachisa.

ثالثاً: إنزال المنى يقظة:

باستمناء أو مباشرة أو تقبيل أو ضم، وعليه ما
على من أكل أو شرب متعمداً.

3-Bishaan hormaataa

dhangalaasuu,osoo dammaqaa

jiruu.Kan hirriibaan hintahin.Qaama
saalaa harkaan uf tuttuquun,jaarsaaf
jaartiin walqaqqabuun,waldhungachuufi
walhammachuun tahuu Bishaan
hormaataa dhangalaasuu. Kunis
Adabuma akka nama beekaa nyaataa fi
dhugaatiin fureettu isarra jira.

رابعاً: حقن الإبر المغذية التي يستغني بها عن الأكل والشرب.

4-Limmoo nyaataa godhachuu,tan
isiin nyaataafi dhugaatirraa duroomuu
danda'an.

خامساً: حقن الدم.

5-Limmoo dhiigaa godhachuu,dhiga
nama biro karaa limmootiin ufitti naquu .

سادساً: خروج دم الحيض أو النفاس.

6-Dhiiyni baatiitii fi kan ulmaa
namatti dhufuu.

سابعا: إخراج الدم من الصائم بحجامة أو فصد،
أو سحب للتبرع أو لإسعاف مريض ونحو ذلك، لقوله
ﷺ «أفطر الحاجم والمحجوم» [رواه أبو داود
والنسائي، وصححه الألباني].

7-Namni soomanaa dhiiga ufirraa baasuu.

Fakkeenyaaf koobaan, hidda muruun,
limmoon nama dhukkubsate gargaaruuf
ufirraa waraabuun fi kkf dhiiga ufirraa
baasuun soomana nifura. Nabiin s.a.w.
akki jedhe "*kankoobe fi kan koobbates
soomana furan*" abudawudii fi nasa'I

odeesse,albaaniin sahiha jedheen.

فائدة:

أما خروج الدم بنفسه كالرعاف، أو خروجه بقلع
سن ونحوه، فلا يفطر، لأنه ليس حجارة، ولا بمعنى
الحجارة.

Hubachiisa-Ammoo dhiiyni ufumaan
namarraa yaau kan akka funuunaa fi ilkee
buqqaasani dhiiydee soomana hinfuru.
koobas mitii ittis hinfakkaatu.

ثامنا: التقيؤ عمداً، لقوله ﷺ «من ذرعه القيء،
وهو صائم، فليس عليه قضاء، ومن استقاء فليقض»

[رواه أهل السنن، وصححه الألباني].

8-Beekaa ufhaqqisiisuu.

hadiisatti "*Namni soomanaa yoo haqqisaan dirqiin isatti dhufte homaa isarratti hinjiran, ammo namni ufhaqqisiise qadaa haakafaluu*" warreen sunanaattu odeesse albaaniin sahiha jedheen.

walaloo soomana Ramadaanaa.

ka'aa ayyuhal muslimuunaa.
gamadaa rabbiif shukriigoonaa.
.Alhamdu liLLHI gaa mowlaanaa.

nuungayeera baatii ramadaanaa.

.

Ramadanni dhuufnaanni ajiibaa.
nibanan tan jannataa baabaa.
ni cufamtii gaa hulaan azaabaa.
hidhaan hidhamtee sheyxaanni leebaa.

..

Sadarkaa baatii ramadaanaa.
tan yeroo ibaadaa soomanaa.
caaltuu yeroodhaa tahuun yaqiinaa.
isii keysa nuu buusee qur'aanaa.

..

Quranni sunuu qajeelchaadhaa.
dharraf dhugaa addaan baasaadhaa.
ifaa Rabbitti karaa sirriiidhaa.
warra qur'aanaa tahuun milkiidhaa

Hundiikee ibaadaaf qophaayii.
Badiilee hundarraa sirraayii.
haqa namaarraayis qulqullaayii.
Taqwa rabbi argachuuf yaaddayii.

Rasulli Rabbii nuuf odeeysee.
fadlii soomanaa nu barsiisee.
wantaa gaachanaa itti fakkeysee.
diliif ibiddas sirraa deebisee.

..

Hojiiwwan ilmaan aadam kullii.
illasowma fainnhuu lii.
wa ana ajzii bihii galataa.
warra soomanaa jazaan jannataa.

..

Guyyaa soomana keysaniitii.
haasawa dilii dheysaniitii.
lolaaf arraba ilma namaatii.
inniisaa'imun deebiin saaniitii.

..

Ninkakadha jedhe nabiinii.
Rabbii lubbuu too harkaa qabuunii.
soomantoota fooleen afaan saanii.
shittoo miskii caalaa urgaan saanii.

..

Hoggu2 gammachuun saanii.
yeroo furan soomana saanii.
tuun boruga gammachuun goddoonii.
guyyaa jannataan badhaafamanii.

..

Baaburrayyaan yaa muslimuunaa.

yadkhulu minhussaa'imuuna
dheebuu baaftuudha hula jannataa
warra soomanaa qofaatu argata.

..

halkan caaltuu baatii kumaati
Leylatal qadi maqaan siitii.
Namni dhaabbatee guutuu ji'aatii.
Beekamaa isii milkaawuunsatii.

..

Fakkiin siif godha dhiheyseetii.
Mindaa kee baatii kuma tokkootii.
Sii kennuuf hojii halkan tokkootii.
Waadaa siif seenee mootiin khalqiitii.

..

Alhamdu lillaah xumurreeraa.
Garan galinaa ibaadaarraa.

Nuraa qeebalii ati mowlaanaa.
Nuun jedhi hula rayyaan san seenaa.

....

Asirratti xumurame galanni Rabbiif haa
galuu.

Dhumarratti

Du'aaii goona- yaa Rabbi soomana
keenya nurraa qeebali, salaata keenyas,
du'aa'ii teenyas, qaraatii qur'aanaa
teenyas, akkasuma hojiilee siif dalayne
hunda yaa rabbi nurraa qeebali.

Nu hundaawu Warra diin isaa baratee
walbarsiisee sirritti itti dalagee jaalala
Rabbii argate nuufii isinis Rabbi nuhaa

godhu.ibaadaalee hunda Rabbi nurraa
haaqeebalu.

Yoo yadaa fi gaafii qabaattan
mobile - 00966 505697461 yookaan
email shekhjemal@yahoo.com irratti
yaada keessan nuuf kennaa.galatoomaa
wassalaamu aleykum warahmatullaahi
wabarakaatuhuu.

والحمد لله رب العالمين
وصلى الله وسلم على نبينا محمد وآله وصحبه
أجمعين.